


文翰大成

百四十二之四



漢書門			
三	七	四	一
一	四	三	一
五	三	一	
一	〇		
冊	架	函	號類

漢書	
三	七
四	一
一	〇
二	〇
二	〇
冊	架

内閣文庫	
番號	漢 3741
冊數	100 (87)
函號	362 68



綴じ部(喉部分)の文字など開きが不鮮明な箇所あり

經文海 一 道 三 幼 道 一 道 歐 陽 原 功 道 劉 敏 中 道
想 文 都 一 道 世 登 第 一 道 李 均 一 道 趙 均 一 道
王 俾 一 道 一 道 一 道 一 道 一 道 一 道 一 道 一 道 一 道 一 道
司 為 君 實 一 道 介 甫 一 道 蘇 子 瞻 一 道 楊 大 年 一 道
聖 子 氏 一 道 一 道 一 道 一 道 一 道 一 道 一 道 一 道 一 道 一 道

文翰類選大成卷之百四十二表目錄

漢書文庫

儀

儀 一道 工元之一道 夏子喬一道 晏同叔一道

韓稚圭 一道 比希文一道 富彥國一道 歐陽永叔道六

司馬君實道 工介甫二道 蘇子瞻三道 楊大年三道

劉子儀 一道 古希元一道

元

程文海 二道 呂幼清 一道 歐陽原功道 劉敏中 一道

楊文郁 一道 姚登孫 一道 李治 一道 楊桓 一道

王惲 一道 吳伯生 二道 謝端 一道 盧亘 一道

國朝

蘇伯衡 一道 王禕 一道 解摺 一道 胡儼 一道

胡廣 一道 樞密士奇 一道 李賢 一道

文翰類選大成卷第百四十二表目錄

文翰類選大成卷第百四十二

左長史上海李伯璽編輯

紀善慈谿馮厚校正

表類

宋

進刑統表

實儀

臣聞虞帝聰明始恤刑而御物漢高豁達先約法以臨人蓋此冊書輔于皇極禮之失則刑之得作於其處又慮混雜律文本注並加釋曰二字以別之務令檢討之司曉然易達其有今昔浸異輕重難同或則禁約之科刑名未備臣等起請摠三十二條其格令宣敕削出及後來至今續降要用者凡一百六條今別編分為四卷名曰新編敕凡釐革一司一務一

州一縣之類。并于大例者不在此數。草定之初。尋送中書門下。請加裁酌。盡以平章。今則可不足間上。繫宸與將來。若許頒下。請與式令。及新編救兼行。其律并疏本書所在。依舊收掌。所有大周刑統二十一卷。今後不行。臣等幸偶文明。謬參憲法。金科奧妙。比虧洞達之能。丹筆重輕。徒竊討論之寄。將塵睿覽。唯俟嚴誅。

黃州謝上表

王元之

乍離近侍。猶忝專城。循省无違。彌深感泣。伏以黃州地連雲夢。城倚大江。唐時叛藉。二萬家。稅錢三萬貫。今人户不滿一萬。稅錢止及六千。雖久樂昇平。尚未臻富庶。求言養浩。亦藉循良。如臣庸愚。曷副憂寄。謹當勤求。人瘼。遵奉詔條。空塞嘉訟。之民策。縛僉滑之吏。敢言課最。庶免曠遺。况當求理之朝。必為無害之政。伏念臣叨司帝誥。又歷周星。既不曾上殿。求見天顏。又不曾拜章。論列時事。今直則閉閣待制。退朝則杜門讀書。雖每日起居。實經年抱疾。不敢求假。恐煩醫官。自後承預。史臣同修實錄。晝夜不捨。寢食始忘。已盡建隆四年。見成一十七卷。雖然。未經進御。自謂小有可觀。忽坐流言。不容絕筆。夫讒謗之口。聖賢難逃。周公為鴟鴞之詩。仲尼有桓魋之歎。蓋行高於人。則人所忌。名出於衆。則衆所排。自古及今。鮮不如此。伏望皇帝陛下。雷霆震怒。日月迴光。鑒曾參之殺人。稍寬投杼。察顏回之盜飯。或出如簧。采令君子之道消。惟賴聖人之在上。况臣孤平無援。文雅脩身。不省附離。權臣祇是遭逢先帝。但以心無苟合。性昧隨時。出一言。不愧於神明。議一事。必歸於正直。慍於群小。誠有謗詞。謀及卿士。豈無公論。

以至兩朝掌誥四任詞臣紫垣最乘於舊人白首不離於郎署以微臣之行已遇陛下之至公父當辯明未敢伸理今則上國千里長淮一隅雖云守土之榮未免謫居之歎霜摧風敗芝蘭之性終香日遠天高葵藿之心未死仰望旒宸不勝涕洟

謝直集賢院表

夏子喬

北門禁省給青簡以試言東觀直廬降紫泥而命職莫追假人之刺彌彰遇主之榮竊以承明設待詔之官定漢朝之芳潤麗正啓修書之院乃唐氏之英華潛圖書之淵敞龍鳳之宇自非弓裘繼世章句名家通授義異妙之靈篇閑書笏珥彤之故事則何以繼成康之嘉頌考宣武之懿文陪法從於甘泉奉宸游於屬玉况當聖日允屬簡求如臣者學不傳經

文非近史青青子佩雖見刺於勞心翹翹錯新亦濫期於刈楚筮仕勝衣之歲薦名象日之畿方博帶以觀光遽墨表而泝牒尋遇國家誕敷尺詔增廣六科方棲枳以徒勞遂上封而自薦始較文於稽詢苑旋試可於鼎司取趨文石之墀遂承延英之問擊轅度曲敢望於九成繁帶分庸俄登於百雉嗟象河之屬吏佐分虎之方州爰受代於瓜時遂歸朝於陸坐典陳陳之粟閱山安之丘區從九九之車總絲琴之案牘暨還衡睭壤舍爵太宮既諧引藉於金闈將佐于藩於熊軾又慮汎米薄領廢墜簡編負公朝振舉之科幸聖主詳延之意遂殺青而發枝果出綉以推恩禁林俾試於彫蟲書殿遽令於抱斬閣上帝之冊府目眩星辰登道家之蓬山足踐雲氣奉長者之餘論與先生而並行分直石渠地接嚴更之守縱觀金匱門

連著作之廷載惟螻蟻之軀莫報乾坤之賜恭惟尊號皇帝
陛下事寢廟以至孝奉靈祇而克誠流鴻藻於絕垠鏢景炎
於往號以文明而行健躅柔克以居高縱觀唐漢之大猷備
舉黃虞之故實虞濠和而六同韻天章麗而五佐飛恢崇務
廣於斯文獎擢不遺於小道遂使至孤之士獲塵非次之息
東陵遽擬於西山羔裘遂登於狐腋歌衛風而合雅謦齊紫
而雜良誠當繁節於素絲敢不盟心於白水益三思而出話
彌九復以窮經求冰淵惕勵之心奉日月照臨之鑒庶遠素
養之謗仰疇明主之知媿懼所深兢惶不已

侍讀學士等請官中視學表 晏同叔

伏奉聖旨以時暑暫休在庭研書至秋涼仍舊者運當文治日視
講經以次進之

惟皇帝陛下應運挺生代天化育御承光之法座臨照九圍
奉長樂之慈顏緝熙萬務緬懷三聖撫愛兆民知王業之艱
難識帝摸之宏遠於是順稽古道崇尚素風命冊府之儒臣
啟金華之經席包周衆說既析於篇題齊魯善言彌勤於聽
覽屬南薰之屆候心會弁之增勞暫錫假寧聿昭恩遇臣等退
惟鄙質幸此親逢敢忘朦瞶之言仰效涓毫之助竊以四方
無事百度允釐宮禁之間穆清多豫伏願重漢皇之六學惜
夏禹之寸陰時君所聞愈精大義間揮仙翰式就神工彰睿
德之日新廣鴻猷之天賦如此則宗祊景福贊明主之保邦
夷夏仰瞻識大朝之出教

謝除使相判相州表 韓稚圭

宰職隳功莫副宵衣之治鄉邦得請重叨畫錦之行被恩典

之特優顧人言而其愧伏念臣早繇科第遂玷寵榮不圖翰
墨之進身自竭涓塵而報國備負諫諍幾不免於竄投奮命
疆備實荐罹於艱阻獨特聖神之眷誰開援助之言仁宗皇
帝知其守以孤忠謂可屬之大事慶曆之始已擢貳於樞機
嘉祐之中乃進登於宰輔俄膺家任益荷殊知當英廟之承
祧逮聖人之嗣服稠重遭會聲竭愚庸惟知社稷之安豈顧
家宗之末然而萬微多務一紀妨賢為國持平敢自私於輕
重裁人所欲固難免於愛憎加疾疹之嬰纏苦形神之耗弊
勉訖因山之禮懇陳上印之宜伏蒙皇帝陛下念犬馬之力
易衰廓日月之明為照不罪再三之請亟垂開可之音進秩
地官剖符粉社建高牙之重既疏淮海之封增故里之光仍
襲紹輝之舊叨塵之甚今古疇情敢不思盡瘁於寢興泯真
懷於內外在邊在庭之貴惟驅策以當前益堅益壯之心至
糜捐而後已

謝轉禮部員外郎充天章閣待制表 范希文

渙渙自天震惶無地改中臺之華序進內閣之清班盡出高
明珠登祕近竊念臣發目顏巷賓于舜門一第為榮四方無
效爰自書林預選闈籍升華耻汨沒以懷安或感激而論事
惟慕古人之節詎希英主之知伏惟尊號皇帝陛下稟帝堯
之聰明加漢高之懿達聖懷而虛受期鴻化以咸孚念三
聖之艱難而成不業求七人之蹇諤以補大猷臣獨愧非才
首當清問危言多犯孤立目持斧鉞居前雷霆在上敢避樞
機之禍終垂禁石之良陛下日月垂光江海敷量怒其萬死
假之一麾望已絕於青雲未更於鴻需俄易藩官之寄寧

分肝吳之憂忽降綸章。荐加寵數。而况闢圖書之府。叨處於深嚴。踐雲龍之庭。當備于顧問。非名儒而不稱。豈由士之能堪。矧蓬清曹。仍居舊治。輝祭大集。士願何求。敢不內守朴忠。外修景行。進退惟道。遵聖賢視履之方。始終一心。副君父育材之造。

辭起復表

富彥國

喪次銜哀。用終卒哭。使華傳命。繼至弊廬。心積驚憂。情深屠裂。雖屢傾於丹懇。尚未錫於俞音。天遠莫量。物微難動。不辭褻煩之咎。更陳隕絕之詞。必冀神聰俯從。哀請伏念。臣早罹家難。偏奉母慈。猥以養馬。蒙鍾愛育。尊祿未幾。遽纏風樹之悲。報德未還。徒懷霜露之感。寢苦枕塊。而適抱至痛。食縮衣縮。則告為自安。貧非人責。尤冀仰制。况今中外無事。左右得賢共輔。聖明之期。安有曠曠之務。曲蒙下詔。更起孤臣。在陛下馭國之方。蓋欲不遺於舊物。於朝廷敦化之道。必恐有誤於蒼生。何須稽故事以遂前世之非。正可存禮經以圖今日之善行。之即是義。不為難。豈惟於陛下有復古之風。抑亦俾愚臣得事親之道。一為匪矣。兩得其宜。兼臣悲傷之餘。衰病交至。精力已耗。神觀未還。假使充息。豈堪應務。苟令終畢於祥禫。庶幾稍復於幹魂。得此從容。可備驅策。伏望尊號皇帝。陛下日月臨照。天地包容。盡母氏平生之恩。憐人子罔極之苦。曲矜末志。得滿鉅憂。生意凋零。或尚未捐於溝壑。清光咫尺。終期復望於雲天。悲感增深。懇願兼劇。

謝知制誥表

歐陽永叔

伏以王者尊君萬民之上。而誠意能與下通。奄有四海之大。

而惠澤得以徧及者得非號令語詔發揮而已哉然其為言也質而不文則不足以行遠而昭聖其麗而不典則不足以示後而為世法居是職者古難其人乃以愚臣而當此選伏惟尊號皇帝陛下茂仁聖之姿荷祖宗之業日謹一日曾未少懈而自恙戎負固邊鄙用師勤儉率先於聖躬焦勞常見於玉色雖有憂民之志所億姓來蘇雖有欲治之心而羣臣未副故每進一善則未嘗不欲勸天下之能每官一賢則未始不欲盡人材之用雖以爵祿而砥礪尚須訓誡之丁寧尤假能言以諭至意可捕是者下又大一作艱歎伏念臣雖以儒術進身本無辭藝可取徒值嚮者時文之弊偶能獨守好古之勤志欲去於雕華文反成於樸鄙本懼不適當世之用敢期自結聖主之知陛下獎之特深用之大過此臣所以懇

賀平貝州表

三四至於辭窮而天意不一作屈龍命難止尚慮頑然之未諭更加使者以臨門恩出非堂堦難屢瀆及俯而受命伏讀訓辭則有必能復古之言然後一作無知所責之重夙夜惶惑未知所措伏况文字之職則于侍一作之班在於周行是為超擢不徒揮翰以為效自當死節以報恩惟所使之期於盡瘁

盜孽竊興人祗其忿果憑虜弄悉殄兇徒伏惟尊號皇帝陛下推仁育物浸澤在人常服使以躬行惟足兵而在念至於多捐金幣講好戎夷務休戰一作于蓋惜士卒德至深而莫報恩既厚則生驕敢肆妖狂自十一作斤鉞脅一作士衆閉守城闈既遠天而逆人宜不攻而自破而一作聖神運略將相協忠不遺一人咸即大戮悖慢者罄言而肅俗昏愚者知有誅夷銷沮茲萌

震揚威令。臣幸忝郡守。忝聞德音。

謝復龍圖閣直學士表

恩還舊職。事雪前誣。感極心驚。涕隨言出。臣伏見前世材賢之士。身結主知。勲德之臣。功施王室。然尚或一遭謗毀。欲辨無由。少忤要權。其禍不測。顧如臣者。何足道哉。臣材不迨於中人。功無益於當世。用之未見有效。去之無足可思。矧罔極之讒。交興而並進。功危之迹。何恃而不顛。而聖心不忘。恩意特至。辨罔欺於曖昧。沮仇嫉於衆多。雖暫居謫之中。而屢被陞遷之渥。今又特蒙甄錄。榮復寵名。以臣之愚。豈比前人而獨異。推其所幸。蓋由聖主之親逢。謂宜如何。可以論報。再念臣稟生孤拙。乏之藝能。徒因學古之勤。粗識事君之節。苟臨危效命。尚當不顧。以奮身死。為善無傷。何憚竭忠而報國。誓期盡瘁。少答高明。

乞致仕表

臣近真封章。乞還官政。伏奉詔旨。未賜允俞。退自省循。奚勝殞越。臣聞神功不宰。而萬物得以由成者。惟各從其欲。天鑒孔昭。而一言可以感動者。在能致其誠。敢循履至之心。再黷高明之聽。伏念臣本以一介之微。叨塵二府之聯。知直道以事君。每師心而自信。然而既之。謂驅之效。又無先覺之明。用之已過其分。而曾不自量。毀者不堪其辱。而莫知引去。幸賴乾坤之再造。得逃陷穽之危機。以許避於要權。得退安於晚節。今乃苦於衰病。莫自支持。顧難冒於寵榮。始收於骸骨。敢期聖念過軫。天慈謂雖迫於桑榆。未忍弃於草莽。竊以古今之制。訟襲不同。蓋由兩漢而來。雖處三公之貴。每上還於印

綬多自駕於車轅。朝去朝廷，暮歸田里。一辭高爵，遂列編民。豈如至治之朝，深薦愛賢之意，每示隆恩之典，以勸知止之人。故雖有還政之名，而仍享終身之祿，固已不類昔時之士。無殊居位之榮，然則在臣素心，雖竊退休之志，迹臣所乞，尚虞僥倖之譏。伏望皇帝陛下，惻以深仁，矜其至懇，俾解方州之任，遂歸環堵之居，固將優游好養，盡之年。涵泳太平之樂，惟辛勤白首，迄無一善之稱，孤不具明時莫報三朝之德，此為慙恨，何可勝陳。

謝賜漢書表

俯躬承命，拭目生輝，竊以石文興化，乃致治之所先，著錄藏書，須太平而大備。惟漢室上繼三代之統，而班史自成一家之書，文或并訛，蓋其傳之已久，詔加判定，俾後學之無疑。新方冊之文，增煥祕書之府，而奏篇之始，方經衡石之程，賜本之榮，惟及鈞樞之近，敢期孤外，特與恩頒，此蓋伏遇皇帝陛下，曲軫睿慈，俯矜舊物，謂其嘗與臣隣之列，不忍遽遺，憐其自書文字之間，俾之娛老，然臣兩目昏眊，雖嗟執卷之已艱，十襲珍藏，但誓傳家而永寶。

進修唐書表

竊惟唐有天下幾二百年，其君臣行事之始終，所以治亂興衰之蹟，與其典章制度之美，宜其粲然著在簡冊，而紀次無法，詳略失中，文采不明，事實零落，蓋又百有五十年，然後得以發揮幽昧，補緝闕亡，黜正偽謬，克備一家之史，以為萬世之傳，成之至難，理若有待，伏惟尊號皇帝陛下，有虞舜之智，而好問，躬大禹之聖，而克勤，天下和平，民物安樂，而猶垂心

積精以求治要日與鴻生清學講誦六經考覽前古以謂商周以來為國長久惟漢與唐而不幸接乎五代表世之士氣力卑弱言淺意陋不足以起其文而使明君賢臣雋功偉烈與夫昏庸賊亂禍根罪首皆不得暴其善惡以動人耳目誠不可以垂勸戒示久遠其可歎也乃因適臣之有言適契上心之所關於是刊脩官翰林學士兼龍圖閣學士給事中知制誥臣歐陽脩端明殿學士兼翰林侍讀學士龍圖閣學士尚書吏部侍郎臣宋祁編脩官禮部郎中知制誥臣范鎮刑部郎中知制誥臣王疇太常博士集賢校理臣宋敏求秘書丞臣呂夏卿著作佐郎臣劉義叟等並薦儒學之選悉發祕府之藏俾之討論共加刪定凡十有七年成二百二十五卷

上資治通鑑表

司馬君實

臣光言先奉敕編集歷代君臣事迹又奉聖旨賜名資治通鑑今已了畢者伏念臣性識愚魯學術荒疎凡百事為皆出人下獨於前史粗嘗盡心自幼至老嗜之不厭每患遷固以來文字繁多自布衣之士讀之不徧况於人主日有萬機何暇周覽臣常不自揆欲刪削冗長舉撮機要專取關國家興衰係生民休戚善可為法惡可為戒者為編年一書庶使前後有倫精粗不雜私家力薄無由可成伏遇英宗皇帝次員睿智之性敷文明之治思歷覽古事用恢張大猷爰詔下臣俾

之編集臣夙昔所願一朝獲伸踴躍奉承惟懼不稱先帝仍命自選辟官屬於崇文殿置局許借龍圖天章閣三館祕閣書籍賜以御府筆墨繒帛及御前錢以供果餌以內臣為承受眷遇之榮近臣莫及不幸書未進御先帝遽棄群臣陛下紹膺大統欽承先志寵以冠序錫之嘉名每開經筵常令進讀臣雖頑愚荷兩朝知待如此其厚墮身喪志未足報塞苟智力所及豈敢有遺會差知永興軍以衰疾不任治劇乞就冗官陛下俯從所欲曲賜容養差判西京留司御史臺及提舉嵩山崇福宮前後六任仍聽以書局自隨給之祿秩不責職業臣既無他事得以研精極慮窮竭所有日力不足繼之以夜徧閱舊史旁采小說簡牘盈積浩若烟海扶藹幽隱校計家錄上起戰國下終五代凡一千三百六十二年修成二

又略舉其目年空國編以

又參考群書評其同異得歸一

二十四卷

自保罪負之重因無所逃臣光誠惶謹言自頃者重念臣常離闕廷十有五年雖身處于外區々之心朝夕寤寐何嘗不在陛下之左右願以無蹇無施而可足專事鈔襲用酬大恩庶竭涓塵少裨海岳臣今筋骸癯瘁目視昏近齒牙無幾裨識衰耗目前所為旋踵遺忘臣之精力盡於此書伏望陛下寬其妄作之誅察其願忠之意以清閑之燕特賜省覽監前世之興衰考當今之得失嘉善矜惡取是捨非足以懋稽古之盛德躋無前之至治俾四海群生咸蒙其福則臣雖委骨九泉志願永畢矣

又略舉其目年空國編以

賀赦表

王介甫

臣某言伏覩十一月二十五日南郊禮畢大赦天下者精意
上昭神靈底豫茂恩旁暢夷夏接和臣某誠歡誠抃頓首頓
首臣聞道以饗帝為難禮以配天為至有秩斯祐唯四表之
存心胡臭曾時匪九州之美味自古在昔若聖與仁厥遭昌
辰乃覩熙事恭惟皇帝陛下萬種三德敷奏九功率籲奉璋
之衆髦肇稱質壁之新禮廟遠致孝郊血告幽誠既格於穹
昊福遂均於品庶振憂於寡原宥眚裁第五王以褒封善人
是言發三錢而慶賜賤者不虛天其居歆人以呼舞臣夙叨
寵獎就值休成雖無預於駿奔實不勝於竊抃

謝翰林學士表

臣聞人臣之事主者在不知學術而居寵有冒昧之心人主
之畜臣患在不察名實而聽言無惻怛之意此有天下國家
者所以難於任使而有道德者亦所以難於進取也學士職
親地要而以討論諷譏為官非夫遠足以知先王近足以見
當世忠厚篤實廉恥之操足以咨諏而不疑草創潤色文章
之才足以付托而無負則在此位而無以稱如臣不肖涉道
未優初無榮過人之才徒有區區自守之善以至將順建
明之大體則或踈闊淺陋而不知加以憂傷疾病久棄里閭
辭命之習蕪廢積年黽勉一州已為忝冒禁林之選豈所堪
任伏惟皇帝陛下躬聖德承聖緒於群臣賢否已知老慎而
於其言也又能虛已以聽之故聰明睿智神武之實已見於
行事日月未乂而天下翹首企踵以望唐虞成周之太平臣
於此時實被枚召所以許國義當如何敢不磨礪淬濯已衰

之心。紬繹溫尋久廢之學。上以備顧問之所。及下以拱職司之所守。

謝御膳表

蘇子瞻

臣伏蒙聖恩特賜寬假。將理今日七日。又再蒙中使臨賜御膳。問其治療之增損。督以朝參之日辰。臣下履淵冰。上負芒刺。蹄涔雖小。能延兩曜之光。寸草何知。莫報三春之澤。正使豚魚幽陋。木石堅頑。尤將激勵忘軀。奔走赴職。而臣尚有魚厭之請。敢守不移之愚。在法當誅。原情可免。實以負薪之疾。積有歲時。勿藥之祥。恐非旦夕。終願江淮之一郡。以安犬馬之餘生。尚冀此身未填溝壑。期於異日。別效涓埃。

徐州謝獎諭表

臣感言。伏奉今月四日勅。以徐州城得免。免疎虞待。賜獎諭者。奔走服勤。人臣之常事。在稱勞勉。學者之至禁。昔惟何人。乃辱斯語。伏念臣學無師法。才與世疎。經術既已不深。吏事又其所短。累忝優寄。卒無異稱。寬如定遠之言。平平無取。拙比道州之政。下下宜然。乃者河決澶淵。毒流淮泗。有堵皆作。蓋僚吏之助勞。三板不沈。本朝廷之威德。而臣下掠衆羨上。貪天功。獨竊璽書之榮。以為私室之寶。此蓋伏遇皇帝陛下。天覆四海。子養萬民。哀無辜之遭罹。特遣使以存問。既蠲免以賦調。又飲食其饑寒。所以錄臣之微勞。蓋將責臣之來效。臣敢不躬親畚築。益修今歲之防。安荒流亡。盡復平時之業。庶殫朽鈍。少補絲毫。

謝宣召入院表

右臣今日西頭供奉官充待詔董士隆至。臣所居奉宣聖

旨召臣入院充學士者詔語春温再命而僞使華天降一節以趨在故事以嘗聞豈平生之敢望省循非稱愧汗交深竊以視草之官自唐為盛雖職親事祕號為北門學士之榮而祿薄地寒至有京兆掾曹之請豈如聖代一振儒風非徒好爵之糜兼享太烹之養玉堂賜篆仰溥化之彌文寶帶垂金佩元豐之新渥既厚其禮愈難其人而臣以空疎冗散之材衰病流離之後生還萬里坐閱三遷不緜左右之容躡處賢豪之上此蓋伏遇皇帝陛下生資文武夫昨聖神雖亮陰不言尚隱高宗之德而小忠求助已啓成王之心昔擇輔臣次求法從知人材之難得來虛名而用臣敢不益勵初心力圖後效身不逮古雖慙內相之名志當在民庶免私人之請

駕幸河內起居表

賜大年

毛髮暮稽誅靈奠順動羽衛方離於象魏天威已震於龍荒慰邊匪後后之心增壯士平戎之氣臣聞豳鹿之野軒皇所以親征單于之臺漢帝因之耀武月穢夷於兜醜遂底定於邊陲五材並陳蓋去兵之未可六龍時邁固犯順以必誅矧朔漠餘妖腥膻雜類敢因膠折之候輒為鳥舉之謀回已命將出師擒俘獻馘雖奪名王之帳未焚老上之庭是用親御戎車躬行天討勞軍細柳之壁巡狩常山之陽師人多寒感息而皆同挾纊匈奴未滅受命而孰不忘家行當肅靜塞垣削平夷落梟冒頓之首收督亢之圖使遼陽八州之民得聞聲教榆關千里之地盡入提封虺豕之穴悉降干戈之事永戢然後登臨瀚海刻石以銘功陟降云亭泥金而典禮遠達八九之迹永畜億萬之年臣忝守方州莫參法從空勵請纓之

人倫類集卷之四十一

四

志慙無扈蹕之勞。唯聆三捷之音。遠同百獸之舞。

謝賜衣表

解衣之賜。猥及於下。臣挾纊之仁。更均於列校。光生郡邸。喜動轅門。伏以崇文廣武。聖明仁孝。皇帝陛下。護膺元符。恭臨大寶。惠必先於遠下。志惟在於愛人。鳥獸絪毛。俯及嚴凝之候。衣裳在笥。爰推賜于之恩。在渙汗之所沾。雖容光而必照。始臣者。任叨符竹。地僻甌吳。奉漢詔之六條。方深祗畏。分齊官之。三服。忽荷頒宣。慕組極於緹華。純綿加於麗密。齒書下降。切窺雲漢之文。駟騎來臨。更重皇華之命。但曳婁而增惕實。被服以難勝。矧於戎行。亦膺天寵。干城雖久。皆無汗馬之勞。守土何功。獨懼濡鵠之刺。仰瞻宸極。唯誓庶捐。

汝州謝上表

沉痾初釋。寵寄祥臻。祇命惟宣。飭裝靡暇。初臨郡閫。恩獲見吏民。揣已若驚。戴恩固措。伏念臣本由單弱。恃稟方愚。以童刻之微能。際帝圖之亨會。驟參綸掖。獲草芝函。屬以堯德。彌文漢辭。爾雅雲章。有爛諒黼。散以何施。天律惟精。亦空咬之罔棄。居常摩厲。徒益空疎。俄踐內庭。預司密命。值皇闈之有慶。扈清蹕以多歡。窺雲瑞於封中。聽掉歌於汾曲。四巡第頌。誠辯罷之絕聞。二豎興妖。致冥煩之坐蕙。偶嬰沉痾。遂劇支離。因請急以歸寧。遽迷魂而不復。率由蹇否。自抵困窮。矧以最爾之軀。竦然去職。羈孤至甚。毀嫉居多。噴有煩言。實盈庭之可畏。豁然大度。終如地以見容。比及痊平。果蒙齒叙。此蓋尊號皇帝陛下。仁深慘怛。德茂欽明。軫舊故以興懷。俾肖翹之逐性。特加采錄。令獲便安。伏况臨汝舊邦。陪京近輔。姬文之

化所及者載聲詩地官之籍攸分寔繁兵賦土多嚴險民或
情游置使劭農抑惟令典分條察俗蓋有新書臣亦夙侍疑
嚴儲窺律度敢忘瘁盡以奉化成然念臣早以斷之薄材
獲齒振振之近列典司訓誥就望威顏讀銘字於湯盥時瞻景
式載史言於董筆獲次舊聞拜命謹申榮階絕迹酒泉素願敢
望於生歸麗正交編幾成於死恨今者星繼接畛竹使長人
預方國之頒書東天臺之布憲水深土厚足養於槁骸書訪
夕修其無於批政親未光而彌阻感再造以難勝

賀冊皇太子表

劉子儀

前耀開祥東闈播憲漢儀不赫天下之本既豐周制協敷王
者之基貞固殊尤顯會中外祇懼恭以十翼垂言黃離之象
收著四賡流聞重海之歌載揚于以示元吉之有孚表善利
之歸廣正人倫而張大紀統天序而荷身懼陪翼至仁登闕
昌祚允鍾聖嗣克奉宗祧伏以皇太子器本夙成智包妙用
挺溫姿而玉裕謁淑度以金相至性迪乎天經積粹發乎貞
系而自桂芳毓秀萊壤疏榮有時敏之進修有日躋之駿惠
固以悟喬枝而奉順詢內衛以宣勤務近老成之人歷觀盛
德之事寶忠信而由己服禮樂以蹈中造理惟微振辭有共
侍鑾游而儼若拱列歛瞻省臺膳以肅如慈宸敷眷四學憲
於上序百行紀於司成洽乃懿聲被一寰寓建儲之論繫先
親而是宜立愛之文稽古道而斯順肇膺徽冊有慶昌辰伏
惟尊號皇帝陛下闡長世之善經率保邦之大法翁受祕杜
備舉綽儀上帝是忱克享於蕃茂兆民咸賴用致於輯寧惟
震長之至賢實軋剛之上體三善靡煩於在傳重暉誠契於

襄陽陛下仰奉靈心旁挹羣靈以為主器之重有國莫先
矧錫美於仙源在守成於宗躅增崇巨業屬我元良龜馱之
告協從神鑒之徵允格三讓成魄知天道之好謙明兩作離
見皇圖之可大式備彌文之禮仍新遵德之稱消以茂辰膺
茲鴻典班輪飭駕奮五采以相宣碧璽題宮配二儀而胥永
臣以濫叨詞職竊守藩封昭數在庭莫覲鸞旌之美含和發
詠率同鳧藻之誠

進大學衍義表

真希元

伏以汗竹雖塵何補聖經之奧食芹欲獻誤蒙天語之溫以
十年纂輯之餘欣一旦遭逢之幸惟大學設八條之教為人
君立萬世之程者之以格物致知示窮理乃正心之本推之
於齊家治國曰脩己性及物之原曾子之傳獨得其宗程氏
以來大明厥旨迨師儒之繼出有章句之昭垂臣少所服膺
悅而知趣謂淵源遠矣實東魯教人之微言而綱目粲然乃
南面臨民之要道曩叨侍從論思之列適當姦諛蒙蔽之時
念將開廣於聰明惟有發揮於經術使吾君之心炳如白日
於天下之理洞若秋毫雖共兜雜進於堯朝豈臆魅能逃於
禹鼎不量菲薄欲效編摩遽罹三至之讒徒結九重之戀既
投閑而置散因極意以研精賦畝不忘若每倦倦於報上藩牆
皆置筆幾矻矻以窮年首劄聖賢性命道德之言旁采古今
治亂安危之迹必提其要皆聚此書九諸老先生之講明粗
加該括於君子小人之情狀尤極形容載瞻海岳之崇深期
効涓埃之裨補茲蓋恭遇皇帝陛下乾旋坤轉日就月將於
緝熙單厥心基命適隆於成右念終始典于學遜志克邁於

商宗方將切瑳琢磨而篤於自脩定靜安慮而進於能得事
欲明於本末理期真於精粗適粹成編冒塵清燕上其所止
頽益加止善之功新以又新更推作新民之化

元

進三朝實錄表

程文海

一人御極率嚴金匱之藏三后在天實監玉堂之紀粵若稽
古克底成書欽惟皇帝陛下孝友慈仁溫文睿哲統之垂業
之劄念昔繼承功以著德以彰在茲纂錄首崇筆削之任式
宏龜鑑之圖臣等職忝禁林才非良史繫年繫月豈足盡於
新朝作莫作謨庶有徵於今日臣等以所編成順宗皇帝實
錄一卷成宗皇帝實錄五十六卷事目十卷制詔錄七卷武
四卷繕寫已畢謹具進呈

翰林國史院陞從一品謝表

天開文運治載賾於熙朝地切詞林恩比崇於極品群情胥
悅斯道增華欽惟皇帝陛下德與日新聖由天縱禮儒臣而
加異相古所無進院秩以示優自今伊始親授銀章之重益
為玉署之榮臣等學愧前修位隆往代典謨訓誥敢忘黼黻
之勤元首股肱願效賡歌之盛

謝賜禮物表

吳幼清

接地風雲際會親逢於明主麗天日月照臨遠及於老臣賜
之以府庫之財衣之以筐篚之幣承恩過厚揆分何堪俯歷
愚衷仰塵睿聽伏念臣荆揚賤士樵牧孤蹤幼誦孔氏之遺
書無繇見道長值朝家之興運有幸為民愧碌之謏才乏

卓々之奇節以言其文章則體格畢陋以言其學行則器識
允庸自甘晦迹於深山豈覲發身於昭代大鈞靡不覆燾小
物亦預陶鎔惟成宗法至元首賁立園之隱歷武宗逮延祐
特升館閣之華先帝擢之禁林今皇處以經幄講讀古訓對
揚耿光誤蒙上聖之簡知得列群賢而布列然犬馬餘齒已
非少柱之年而螻蟻微誠莫展驅馳之志外之弗能效勤勞
於郡縣內之弗能裨謀議於廟堂糜廩費俸錢素餐甚矣
辱高位速官謗清論凜然因負乘薪之憂遂辭視草之職雖
心同葵藿常帶戀闕庭奈京迫桑榆宜歸田里未嘗冀數有補
於國况文老若無用於時淵度涵容寵錫厚矣蓋欽遇皇
帝陛下乾坤博施海宇皆春忍令散林田里於泥塗欲俾寸
草沾雨而於雨露則闕矣臣固若人則德之仁涵歎控陳乃臣
子辭讓之禮倘冒昧而拜貺實踧踖以懷慙敢致懇祈乞垂
矜允收此九重之大惠全其一介之小廉壹是歡榮等如祇
受臣栖遲畎畝既難強筋力以抗勅忠教誨子孫誓當竭精神
而報上所賜鈔定段疋除已嚮闕謝息外未敢欽受謹奉表
辭謝以聞

進經世大典表

歐陽原功

堯舜之道載諸典謨文武之政布在方冊道雖形於上下政
無間於精粗特於紀錄之間足見彌綸之具是以秦漢有掌
故之職唐宋有會要之書予以著當代之設施予以備將來
之考索我國家受命龍朔續休鴻基發政施仁行葦之忠厚
世積制禮作樂關雎之風化日興紀綱具舉於朝廷綜會未
歸於簡牘欽天統聖至德誠功大文孝皇帝陛下總攬

群策躬親萬幾思祖宗創業之艱難與天地同功於經緯必有鋪張以揭曠日必有述作以藏名山爰命文臣體會要之遺意編勅官寺發掌故之舊章倣周禮之六官作皇朝之大典臣某叨承旨諭俾綜纂修物有象而事有原質為本而文為輔百數十年之治蹟固大畧之僅存千萬億世之宏規在鴻儒之繼作謹繕寫皇朝經世大典八百八十卷目錄十二卷公牘一卷纂修通議一卷裝潢成秩隨表以聞伏取進止

賀正旦表

劉敏中

曆頒夏正大春秋一統之書禮謹漢儀受圖貢四方之賀歡均朝野慶洽天人剛健體元寬仁育物董官常而敷聖訓炳如日月之臨恤民隱而降德音翕叶地天之泰至和斯應景福維新至等夙被寵榮不司端矣無尺寸效仰裨財成輔相之功願億萬年永享泮奭優游之樂

賀正旦表

楊文郁

聖德日新端齊家以身之本坤元位正備臨軒發冊之儀慶溢九重歡騰四表受天成命遵祖詒謀謂王教做基莫若人倫之重然治道之至庶資內治之勤昭法象於軒星崇聲明於椒掖以贊嚴宸之孝理以協太母之徽音臣等服在近司顯觀盛際道符羲易占頌承載物之享願擬堯封申富壽多男之祝

賀建儲表

姚登孫

坤元居上挾皇統於中天震器有歸衍孫謀於奕世神人闡懌河岳清寧聖德難名徽音夙著心遊太極兩儀妙玄範之功身佑三朝九鼎重宗磐之勢適春宮之肇建知景命之永

延臣等嘉與諸儒欣逢盛典日月啓重光之運幸圓照臨華
嵩開萬壽之期惟履歌頌

車駕班師賀表

李治

臣某等言伏為逆黨悉平車駕廻鑾者黃鉞耀威果凶徒之
一掃翠華旋軫處明詔之載頌率士皆臣普天同慶伏以周
之熙朝而造管叔武庚之役漢之盛世而行淮南濟北之誅
事豈樂為兵非得已屬者遠屬相煽狂童恣行潛包禍心構成
內難惟聖人必欲去害肆天子所以有征爰興問罪之師庸示
安民之勇靈旗順指醜類畢燔衣暫試於一戎月連飛於三捷
春生秋殺玄化何私天動星廻鴻鈞自斡宗祧鞏固永孚無
疆之休日月貞明足為群目之用此蓋皇帝陛下運膺千載
道貫九皇維斷龜龜廟漢洞徹既多年以勝小業况至仁而
代不仁是宜氛祲廓清車書混一大統合冒歸於中統太平今
睹於開平凡在陶甄疇非鼓舞臣某等亦以守官於蕃翰不
獲稱慶於闕庭相迎六尺之輿遙祝萬年之壽

進授時曆經曆議表

楊桓

協時正日國政之大端章往考來曆書之明驗一或失應衆
兩共瞻豈天運之靡常殆人為之未密昔稱作者初匪一家
其始也莫不精微未幾則旋聞踈闊蓋由年拘積筭日括周
分不知闕測以考貞率多傳會以求合必欲行於永久詎容
失之毫釐幸當累洽之辰共仰同文之治事加詳覈法貴變
通欽惟憲天述道仁文義武大光孝皇帝陛下政順陰陽德
齊穹壤燭消息盈虛之理得裁成輔相之宜爰命文臣若摛
乾象畫則考求實晷夜則揆度中星安氣朔之後先定躔離

之腠腋精思密索討本窮原革前人若簡之規成盛代不刊
之典其為要旨具載成書所有授時曆日經三卷立成二卷轉
神注式一十三卷曆議三卷已繕寫以二十一冊隨表上進
于肩天威不勝惶懼震越之至謹錄表奏聞伏候教旨

進實錄表

王暉

典謨述堯舜之功令名顯著方冊布文武之政義問宣昭粵
自漢隋及夫唐宋咸有信史以貽後世況大業豐功震今耀
古惟深善述首議不揚洪惟世祖皇帝仁孝英明睿謀果斷
爰從潛邸有志斯民植根幹而佐理皇綱聘耆臆而講明治
道始平大理再駕長江過化存神有征無戰治其龍飛灤水
鼎定上都革弊政以惟新擴同仁而一視規模先遠朝野清
月內則肇建宗祀創設書省自收多舉政令登崇俊良外則整治

師徒申嚴邊將布揚威德三服三加以聖無不通明靡不
燭守之以勤儉朴素養之以慈惠和收攬摧綱綜覈各實
賞罰公而不濫疏令出以惟行萬三果連茹群人毅削平下
土統正中邦慕義嚮風聲教實朔古之暨梯山航海職貢無
遐邇之殊方且開學校而勸農桑之制度而興禮樂國號體
乾坤之統書畫煥美望之文整所有而醜戰功不待計而救
民之聽言擇善明德緩刑歛福之遇災知懼得洪範惟皇
之理過周宣修政之勤以致時和歲豐民安吏職蓋帝德克
周於廣運故至公均被以無方可謂文致太平武定亂略繼
一祖四宗之志兼三皇五帝之功開天立極者三十五年立
經陳紀者二萬餘事以謙讓弗違於備紀故纂修未於成
書歟遇皇帝陛下宣紹詒謀鴈精圖治亟鑒觀於成憲思遠

駿於先聲深詔下臣俾為實錄宅心示祐疑孝奕墻開館局
而增置官僚教群司而大細圖籍編摩既富搜訪加詳來擬
於時政編參取於起居之注張皇初蒙增未見於罕聞承
奉綸音俾蠲繁而就簡俯殫管見仰體宸衷盡虛文一存
實事其舉查是伐文物典章繁焉列二代之英爵爾開萬世
之業與夫才德孝廉之士忠良姦佞之臣版圖生齒之繁財
賦畜牧之盛謹依條據粗致無遺今且所修成世祖皇帝實
錄二百一十卷事目五十四卷聖訓六卷九二百七十卷謹
繕寫為二百七十帙用黃綾夾復封今隨表上進等忝備
台司幸膺盛典顧惟載筆不何有於三長列進補庸庶幾
於一得肩瀆聖聽不勝竊馬惶

經筵官進獻冊目表

王真白上

聖作稽古知崇效天開筵肆講於前經當守屢煩於明詔垂
憲萬世一新經緯之文有臣十人並拜便蕃之賜獨興睿斷
創始明時代惟昔者明王不以天縱而自聖本之先哲式資
道揆以開人故伏羲則畫於河圖神禹錫疇於洪範允將圖
治慎在求聞蓋帝王傳授之精布乎方冊而古今治亂之迹
可以鑑觀爰咨博洽之材用廣聰明之識然守職業者特見
諸政事之著惟事啓沃者先端其心術之微故茲曠典之行
實重真儒之寄必經業可以發聖賢之蘊必器能可以相禮
樂之成必養德之全素蒙孚信必至誠之積可致感通苟非
其人不稱茲選而臣等性本固陋學允迂踈守其師說之遺
僅不忘其章句及轉國人之譯組可達其性情所謂材有限
而道無窮心欲言而口不逮猶重昔人之嘆況乎臣等之愚

經筵官進獻冊目表

王真白上

是故設醴上尊敷壇廣廈既極詢諮於累歲茂聞補報之微
功敢謂能自得師坐而進道更錫官聯之重俾專誦說之司
雖竊息榮愈增憂責茲蓋伏遇皇帝陛下以乾坤之德為德
以堯舜之心為心無一念不在於民生無一事不遵於祖憲
遐方畢服猶虞水旱之為灾群賢在朝尚恐俊良之攸伏必
合二帝三王之至盛以登四方萬國之太平下收瓊末於芻
蕘裨益消埃於山海臣等敢不力循古訓益盡微衷非先王
之法不敢言冀必由於正路雖末世之事不敢避庶有戒於
前車尚勸九歌用稱萬壽

賀正旦表

陽春發育明新若日之方中正朔會同溥博如天之為大顯
承盛化勸慶祈延神武成功至文精德綜萬機而益裕達四
聰而弗遺禮樂從容建用維皇之極圖書宣朗維熙於穆之純
假郊廟以受整率臣民而錫福巨等叨陪鼎鉉式贊鈞陶特
和歲豐願保無疆之祚風淳俗羨永歌有道之朝

賀親祀南郊表

謝端

四方于理事天致恭已之誠三年而郊卜日叶用辛之吉功
成治定禮備樂和端拱無為純一不二肇舉明禋之典載嚴
升配之文大呂黃鍾音協雲門之奏鎮圭繅藉輝聯蒼塵之
華祥風和氣之與游景星慶雲之疊見穹示集規宗社家休
臣等叨佐清朝欣觀熙事列園壇之八陛幸陪漢時以侍祠
陳泰階之六符願舉兒觴而上壽

賀親祀太廟表

盧亘

九重御極太平端拱於中天萬舞奏庭盛禮告成於清廟群

方胥贊百辟交孚剛健日新聰明時憲祖有功宗有德衍歷
歷服之無疆率同軌書同文感烝民之作又袞冕華昭於日
月笙鏞和協于神人崇億載之洪基舉累朝之曠典臣等忝
司政府肅侍齋宮適豆駮奔仰宣室受釐之慶衣冠稱賀效
華封祝聖之誠

國朝

國子學賀登極表

蘇伯衡

寶曆在躬應千齡之

上聖瑤圖啓運得百姓之驩心臨御云初謳歌為盛欽惟
皇帝陛下聰明天縱剛健日新仗尺劍以定群雄道符漢祖
歷一紀而成大業功邁唐宗陶匏繭粟以歲祀而
上帝時歆詩書禮樂以造士而下民祗若風行雷動敷治象
於多方春育海涵播仁聲於庶類仰正統之誕紹知景命之
永延凡在生成罔不慶賴臣等獲覩鉅典幸際昌期率同軌
書同文行同倫致治恭陳於善頌黨有庠術有序國有學敷
言願贊於成能臣等無任瞻

天仰

聖激切屏營之至謹奉表稱賀以聞

代佛郎國進天馬來

王禘

軋龍在御。遙觀至治之期。天馬來廷。謹效遐方之貢。敢殫舟車之重譯。恭伸臣妾之微誠。中謝。竊以榮水負圖。曾見羲皇之世。渥注毓秀。載聞漢帝之時。必有聖明。庶膺嘉貺。矧值重熙之運。宜昭上瑞之符。伏念臣化外窮邦。海濱僻壤。種分夷裔。遂居西域之西。心慕華風。引領北辰之北。豈登天之無路。每就日以瞻輝。幸此名駒。可充方物。雖匪望雲之質。亦稱絕地之姿。歷無草之流沙。驅馳萬里。備六飛之法駕。暨躡九重。前繼纓旗。而後屬車。觀玉臺而游閭闔。儻沐至尊之寵。馭寶增

隋誕敷文德。執玉帛者萬國。共為帝

采應嘗符於朱鳳。周邦來賀。及歸覆燾之中。

步

久孰在要荒之後。臣禮慚輸。書意切戴。益大一統於

輿圖。永圖無為之化。協六律於樂府。寧聞太乙之歌。

謝 恩表

解措

太祖皇帝寶錄告成蒙

息賜臣等白金綵幣。衣服鞍馬。加賜筵宴。謹奉表稱謝。伏以

史冊光華。紀載

聖神之實惠。

睿息錫類。誕敷雨露之均。息是知達孝愛其所親。至仁不擇

所施。欽惟

。與天同運。如日之升。至孝為天所相。而謂孝莫先

於顯揚至仁為衆所歸而謂仁莫大於尊親爰自
君臨大寶之初即下脩史之詔兢業萬幾之暇不忘開卷之
勤臣等繆悠末學承命惶悚目覩聖明之事手授傳信之編
鑿坡螭陛之書無庸黼黻石室金縢之秘不費討論但日食
大官之膳又時承異數之褒雖盡力於昔年實無加於毫末
者也茲者編次成書伏闕上進

息榮稠疊漸懼交并錫以天閑之駟馬頒之內帑之金帛榮
及其家衆足其用錦服焜煌照耀都咸耳目華筵沾醉驩騰
士庶之榆揚臣縉等省已魚勞服膺莫報

聖壽齊天一經行世幸附姓名於不朽仰惟日月之長存

駕幸太學謝恩表

胡儼

伏以昭德用中立百王之大法崇儒重道闡千載之宏規

公論音渙發乎

九重士氣聿增於六館惟均朝野慶洽天人恭惟

湯闕里詩書仰先師之如在寰區聲教啓學於無窮受遵
太祖之舊章肇稱昭代之殷禮

鑿齒幸于璧水縉紳園於橋門惟君惟師以教以食衣冠之
美登豆之序扶乎有容鼓鐘之音絃誦之聲洋乎盈耳

自唐虞三代以來未有盛於今日者也臣儼等忝職成均叨
承寵遇敷言是訓永依日月之光華造士登崇願效消塵之

補報無任瞻

天仰

聖激切屏營之至謹奉表稱謝以

聞

進書表

胡廣

伏以六經之道，昭如日星，經緯乎天地，貫徹乎古今。放之則彌六合，卷之則退藏於密，用之於身而身脩，行之於家而家齊，推之於國而國治，施之於天下而天下平。蓋世必窮經而後道明，未有舍經而能治理者也。是以聖王垂憲，必資道以開人；賢哲肇基，必稽古以作範。故伏羲則河圖而演畫，大禹因洛書而錫疇；孔子刪詩書，脩春秋，寓一王之法；周公陳王業，制禮樂，弘百世之規。元子精一執中之傳，尤重丁寧告戒之旨，如斯顯跡，昭然可誦。自王者既衰，異說蓬起，一列秦火之餘，穿鑿淫儒之弊，世世相承，不絕如絲。莫以秦火而絕之，漢有且黃魯之傳，後世之學，亦因之而興。世無善治，聖人之學不傳，而千載無真儒，遂令往徽之難尋，益發前脩之未歎。夫否必有泰，晦必有明，繇夫濂洛關閩之學興，而後堯舜禹湯之道著，悉掃蕪蕪之蔽，大開正學之宗。不幸爰阮狂言，既揚復抑，又因循數百年之間，卒莫能會其說于，一蓋必有待於今日者矣。

天啓

聖明誕膺景運。

太祖高皇帝天縱之聖，以武功定天下，以文教興太平。首建學校，頒

賜書籍，作養人材，茂隆政治。四海內外，翕然同風。欽惟皇帝陛下，文武聖神，聰明睿知，續承大統，紹述鴻勳，成功盛德。雖三皇而無以加，事業文章，與二儀而同。其大治已至而

猶以為未至功已成而猶以為未成體道謙冲遊心高遠乃
若渙起

宸斷備輯六經恢拓道統之源流大振斯文之委靡發舒幽
願鉤纂精玄博采先儒之格言以為前聖之羽翼合衆途於
一軌會萬理於一原地負海涵天情日激以是而興教化以
是而正人心使夫已斷不續之墜緒復屬而復繼已晦不明
之蘊微復彰而復著肇建自古所無一則作續述自古所無
之事功非惟備著於經庭實欲垂於天下俾人皆由於正
路而學不惑於他岐家孔孟而戶程朱必獲真儒之用佩
德而服仁壽歲極百二域之歸朝回太古之淳風一葉鉛石
陋習渙然

明六經之道紹承先聖之統如今日者此

皇帝陛下所以卓冠百王超越千古者也臣廣等一介書生
粗知章句大學賢關渾未造其闢奧頂冠句履固慙列於章
籍幸逢熙洽之時謬忝校劑之任每受成於指教亦何假於
施為樂觀就編豈勝歡慶與天下而同惠於萬古而有光尊
闕聞行所知求不自負於教育正其誼明其道期補報於昇平

燕無任瞻

天仰

聖激切屏營之至謹奉表隨進以
聞

經筵謝表

楊士奇

伏以天清地寧昭

又公社員某某等...

聖皇之統御時康道泰美文治之隆興日月光華中外忻悅
恭惟

皇帝陛下聰明睿智廣人寬仁尊尊親親崇

兩宮之至養推恩布德得四海之懽心是以三光全而寒暑

平五穀熟而人民育益勤稽古之學益弘養正之功謂易書

詩禮春秋之文皆堯舜禹湯文武之道萬幾有暇恒

親御於經筵多聞是主詳延於儒雅用資啓沃用致進脩

上以承帝王心法之傳下以錫臣民皇極之福光

祖宗之洪業擴海宇之隆平臣某等猥以庸才咸叨榮命荷

絲綸之勸勵繼宴錫之駢蕃於緝熙畢厥心允協周成之德

大明一統志表

李賢

伏以日月照臨誕啓大明之運乾坤履載咸歸一統之尊民

物阜康人文宣朗匪表章於今日曷出示於將來粵昔虞代

幅員備存禹貢周家疆域悉著職方惟敷土經野之詳故享

國歷年之久降自炎漢下逮胡元志地理者數百家紀方輿

若累子卷若非泛而弗切則或畧而未明於是歷

聖祖之至情念輿圖之重事爰命儒以纂集冀成書以鋪張

博采雖周全功未究時如有待事豈偶然恭惟

皇帝陛下剛健欽文聰明英武重華協

帝已臻盛治於前申命自

天復續洪圖於後志兼隆於千古勤獨斷於萬幾凡聖賢經

世之圖咸留睿覽於

祖宗待成之志尤軫淵衷肆宵旰之靡違益繼述之是務願

惟重熙累洽千載一時自

天命之有歸祚

皇明之撫運德與地而兼廣化與天而同流尊親無間於業

夷功烈獨超乎上後必有 成制表以闡 不休特簡文學子之

臣付以纂脩之任而

皇猷高遠

聖學淵微發 綸音豫為指授於凡經書所載咸在網羅

至若子史所傳舉當收采宜加參考以正信疑是非必有據

依以立義類凡列表 京師為四方之極列方岳為諸郡之

綱疆域必繫於九州分野悉稽乎列宿形勝風俗錄奚遠邇

之分物產山川載靡小大之間藩封著維城之固公署嚴禦

海之威書學校書院以重育賢書宮室關梁以昭資世信方

未則寺觀地 住則陵墓古蹟

備舉 善列女彰節行之真仙釋見

方技之奇文源流不意其言實足微而名不爽欲使宇宙數

萬里之外不出戶而可知庶幾上下千有年之間一舉目而

畢見豈徒備一時之廣覽將以垂萬世之宏規此誠

皇上經天緯地之文足以顯繼志述事之孝而光前振後者

也臣等章句腐儒草茅迂士叨承委任忝效編摩奈海宇廣

大而難窮蕪簡冊浩繁而莫究顧茲疎濇寧免漏遺雖殫鉛

槩之勞尚慮豕魚之混仰 睿謨之啓發幸編簡之克完冀

垂宥於含私願少供於清燕道配天德配地八荒咸圍於生

成車同軌書同文一統永傳於悠久無任瞻

天仰

聖激切屏營之至謹奉表隨進以

開

[Faded bleed-through text from the reverse side of the page]

文翰類選大成卷第百四十三變目錄

魏

繁休伯一道 吳季重二道 楊德祖一道 陳孔璋一道

晉

阮嗣宗一道

梁

謝玄暉二道

唐

柳子厚一道

元

虞伯生一道 楊文郁一道 夾谷之奇一道 袁伯長一道

國朝

文翰類選大成卷第百四十三

胡儼

一

文翰類選大成卷第一百四十三 變目錄

騁材力。効節明主。何意數年之

久長。陳徐劉應才學所著。誠如

此數子。於雍容侍從。實其人也。若乃邊境有虞。羣下鼎沸。軍

書輻至。羽檄交馳。於彼諸賢。非其任也。往者孝武之世。文章

為盛。若東方朔枚臯之徒。不能持論。即阮陳之儔也。其唯嚴

助壽王。與聞政事。然皆不慎其身。善謀於國。卒以敗亡。臣竊

恥之。至於司馬長卿。稱疾避事。以著書為務。則徐生度幾焉

而今各逝。已為異物矣。後來君子。實可畏也。伏惟所天。優游

典籍之場。休息篇章之圃。發言抗論。窮理盡微。擣藻下筆。鸞

龍之文。奮矣。雖年齊蕭王。才實百之。此衆議所以歸高。遠近

所以同聲也。然年歲若墜。今質已四十二矣。白髮生鬢。所慮

日深。實不復若平生之時也。但欲保身勅行。不蹈有過之地。

以為知己之累耳。游宴之歡，難可再遇。盛年一過，實不可追。臣幸得下愚之才，值風雲之會。時邁齒衰，猶欲觸曾奮首，展其割裂之用也。不勝悽悽。以奉命備悉，故略陳至情。質死罪死罪。

在元城與魏太子牋

臣質言前蒙延納侍宴終日。曜靈匿景，繼以華燈。雖虞卿適趙平原入秦，受贈千金，浮觴旬日，無以過也。小器易盈，先取沈頓。醒寤之後，不識所言。即以五日到官。初至承前，未知深淺。然觀地形，察土宜，西帶恒山，連岡平代。北鄰栢人，乃高帝之所忌也。重以泚水，漸漬疆宇。喟然歎息，思淮陰之奇譎，亮成安之失策。南望邯鄲，想廉藺之風。東接鉅鹿，存李齊之流。

文翰類選大成卷之四十三 五言律詩目錄

元

劉夢吉九首 元裕之七首 許仲平一首 張澄一首

許益之二首 危大樸一首 鄧善之二首 杜伯原三首

柳道傳十首 周景遠三首 李道復三首 姚端夫一首

安熙一首 高思恭一首 黃晉卿五首 李子樞一首

虞伯生計七首 袁伯長二首 馬伯庸十首 劉師魯一首

陳剛中二首 鮮于伯機二首 趙子昂計三首 范德機一首

王繼學七首 揭曼碩計十四首 楊仲弘計八首 黃松濠一首

陸天錫五首 宋季仁一首 達德仲達二首 陳子仁一首

陳天錫四首 陳衆仲三首 傅與礪首二十首 張仲舉一首

甘允從三首 何得之二首 宋之虛五首 余廷心六首

左長史上海李伯璣編輯

紀善慈谿馮厚校正

棧類
魏

與魏文帝棧 繁休伯 名欽 潁川人 丞相主簿

正月八日壬寅領主簿欽死罪死罪近屢奉棧不足自宣頃諸鼓吹廣求異妓時都尉薛訪車子年始十四能喉轉引聲與笳同音白上呈見果如其言即日故共觀試乃知天壤之所生誠有自然之妙物也潛氣內轉哀聲外激大不抗越細不幽散聲悲舊笳曲美常均及與黃門鼓吹溫胡迭唱迭和喉所發音無不響應曲折沈浮尋變入節自初呈試中間二

吳彥暉 二首 成廷珪 二首 彭元亮 四首 王元帝 二首

瞿惠夫 二首 陳雲嶠 一首 孫元實 一首 張思岳 二首

黃仲珩 二首 薛玄卿 四首 陳自堂 五首 徐立士 二首

劉小齋 一首 趙李文 一首 程彥明 一首 邵彥 二首

曾模遠 三首 梁祐之 一首 董士明 二首 許廷 一首

魯道原 一首 俞子俊 一首 沈欽用 一首 王道 二首

趙心遠 一首 黃君瑞 五首 何大虛 三首 宋梅 二首

郭君彥 二首 黃子肅 二首 楊顯民 五首 李 七首

張夢辰 一首 顧孔文 一首 吳子愚 二首 蔡有 一首

陸子臨 一首 楊漸 一首 黃仲紹 二首 葛元 三首

吳伯慶 六首 吳伯宗 一首 傅季生 四首 劉子 二首

劉用正 一首 黃元鎮 二首 賈蕪 二首 蔣奎 四首

旬胡欲傲其所不知尚之以一曲巧竭意匱既已不能而此
孺子遺聲抑揚不可勝窮優游變化餘弄未盡暨其清激悲
吟雜以怨慕詠北狄之遐征奏胡馬之長思悽入肝脾哀感
頑豔是時日在西隅涼風拂衽背山臨溪流泉東逝同坐仰
歎觀者俯聽莫不泣泣墮涕悲懷慷慨自左驥史炳譽姓名
倡能識以來耳目所見僉白詭異未之聞也竊惟聖體兼愛
好竒是以因燧先白委曲伏想御心含餘懽冀事速訖旋
侍光塵寓目階庭與聽斯調宴喜之樂蓋亦無量欽死罪死罪

答魏太子燧

吳季重

名質濟陰人
振威將軍

二月八日庚寅臣質言奉讀手命追亡慮存恩哀之隆形於
文墨日月冉冉歲不與我昔侍左右廁坐衆賢出有微行之
無以蒞之若乃邁德種恩樹之風聲使農夫逸豫於疆畔女
工吟詠於機杼同非質之能也至於奉導科教班揚明令下
無威福之吏邑無豪俠之桀賊事行刑資於故實抑亦慄慄
有庶幾之心往者嚴助釋承明之歡受會稽之位壽王去侍
從之娛統東郡之任其後皆克復舊職追尋前軌今獨不然
不亦異乎張敞在外自謂無竒陳咸憤積思入京城彼豈虛
談夸論詎曜世俗哉斯實薄郡守之榮願左右之勤也古今
一揆先後不買焉知來者之不如今聊以當觀不敢多言質
死罪死罪

答臨淄侯燧

楊德祖

名脩曹操子
簿彪之子

脩死罪不待數日若彌年載豈由愛顧之隆使係仰之情深
耶損辱嘉命蔚矣其文誦讀反覆雖諷雅頌不復過此若仲

宣之擅漢表陳氏之跨冀域徐劉之顯青豫應生之發魏國
斯皆然矣至於脩者聽采風聲仰德不暇自周章於省覽何
違高視哉伏惟君侯少長貴盛體發且之資有聖善之教遠
近觀者徒謂能宜昭懿德光贊大業而已不復謂能兼覽傳
記留思文章今乃含王超陳度越數子矣觀者駭視而拭目
聽者傾首而竦耳非夫體通性達受之自然其孰能至於此
乎文嘗親見執事握牘持筆有所造作若成誦在心借書於
手曾不斯頃少留思慮仲尼日月無得踰焉脩之仰望殆如
此矣是以對鵠而辭作暑賦彌日而不獻見西施之容歸憎
其貌者也伏想執事不知其然猥受顧錫教使刊定春秋之
成莫能損益呂氏淮南字直千金第子掛口市人拱手者賢
聖卓犖固所以殊絕凡庸也今之賦頌古詩之流不更孔公
風雅無別耳脩家子雲老不曉事疆著一書悔其少作若此
仲山周且之疇為皆有僭耶君侯忘聖賢之顯迹述鄙宗之
過言竊以為未之思也若乃不忘經國之大美濟千載之英
聲銘功景鍾書名竹帛斯自雅量素所蓄也豈與文章相妨
害哉輒受所惠竊備矇眊誦詠而已敢望惠施以泰莊氏季
緒璣璣何足以云反荅造次不能宣備脩死罪死罪

荅東阿王牋

陳孔璋

琳死罪死罪昨加恩辱命并示龜賦披覽粲然君侯體高俗
之材秉青萍干將之器拂鐘無聲應機立斷此乃天然異稟
非鑽仰者所庶幾也音義既遠清辭妙句焱絕煥炳譬猶飛
兔流星超山越海龍驥所不敢追況於駑馬可得齊足夫聽
白雪之音觀綠水之節然後東野巴人蚩鄙益著載懽載笑

欲罷不能謹韞積玩耽以為吟頌琳死罪死罪

晉

為鄭冲勸晉王牋

阮嗣宗

冲等死罪伏見嘉命顯至竊聞明公固讓冲等眷眷實有愚
心以為聖王作制百代同風褒德賞功有自來矣昔伊尹有
莘氏之勝臣耳一佐成湯遂荷阿衡之號周公籍已成之勢
據既安之業光宅曲阜奄有龜蒙呂尚磻磻之漁者一朝指
麾乃封營丘自是以來功薄而賞厚者不可勝數然賢哲之
士猶以為羨談况自先相國以來世有明德翼輔魏室以綏
天下朝無闕政人無謗言前者明公西征靈州北臨沙漠榆
中以西望風震服羌戎東馳廼首內向東誅叛逆全軍獨克
越守內康寧苛慝不作是以殊俗畏威東夷獻舞故聖上覽
乃昔以來禮典舊章開國光宅顯茲太原明公宜承聖旨受
茲介福允當天人元功盛勲光光如彼國土嘉祚魏魏如此
內外協同靡信靡違由斯征伐則可朝服濟江掃除吳會西
塞江源望祀岷山迴戈弭節以麾天下遠無不服邇無不肅
大魏之德光于唐虞明公盛勲超于桓文然後臨滄洲而謝
支伯登箕山以揖許由豈不盛乎至公至平誰與為鄰何必
勤勤小讓也哉冲等不通大體敢以陳聞

梁

拜中軍記室辭隨王牋

謝玄暉

故吏文學謝朓死罪死罪即日被尚書召以朓補中軍新安
王記室參軍眺聞漢汗之水願朝宗而每竭鴛鴦之乘希沃

若而中疲何則臯壤搖落對之惆悵岐路西東或以嗚咷乃
服義徒擁歸志莫從貌若墜雨翩似秋葉眺實庸流行能無
算屬天地休明山川受納讓采一介抽揚小善故捨耒場圃
奉筆兔園東亂三江西浮七澤契闊戎旃從容讌語長裾日
曳後乘載脂榮立府庭息加顏色沐髮晞陽未測涯涘撫臆
論報早誓肌骨不寤滄溟未運波臣自蕩渤澥方春旅翮先
謝清切藩房寂寥舊篋輕舟反溯弔影獨留白雲在天龍門
不見去德滋永思德滋深唯待青江可望候歸艎於春渚朱
邱方開效遂心於秋實如其簪履或存社席無改雖復身填
溝壑猶望妻子知歸攬涕告辭悲來橫集不任犬馬之誠

百辟勸進奉上牋

近以朝命蘊策肩奏丹誠奉彼還命夫蒙虛受播紳願之深所
未達蓋聞受金於府通人之弘致高蹈海隅匹夫之小節是
以履棄石而周公不以爲疑增玉璜而太公不以爲讓況世
哲繼軌先德在民經綸草昧歎深微管加以朱方之役荆河
是依班師振旅大造王室雖累繭救宋重胝存楚以今觀古
曾何足云而惑甚盜鍾功疑不賞皇天后土不勝其酷是以
王馬駿奔表微子之去金版出地告龍逢之怨明公據鞍車
輟哭厲二軍之志獨居掩涕激義士之心故能使海若登祗
罄圖效祉山戎孤竹東馬景從伐罪弔民一匡靖亂匪叨天
功實勤濡足且明公本自諸生取樂名教道風素論坐鎮雅
俗不習孫吳遶茲神武驅盡誅之氓濟必封之俗龜玉不毀
誰之功歟獨爲君子將使伊周何地某等不達通變實有愚
誠不任慙款悉心重謁伏願時膺典冊式副民望

唐

賀皇子牋

柳子厚

宗元惶恐言伏奉六月七日制元和聖文神武法天應道皇帝光受徽號率土臣子歡抃無涯伏惟皇太子殿下麗正居中輔成昌運消伏沴孽贊揚輝光鴻名允升大慶周洽表文武之經緯著天道之運行瑞景照臨示重輪之發耀恩波下濟見少海之增瀾宗元忝守遐方獲聞盛禮躍踴之至倍萬恒情謹附牋賀宗元惶恐死罪死罪

元

賀正旦牋

虞伯生

玉燭調元播陽春於萬物禕衣乘翟奉景福於一人懽溢宮闈慶延宗社柔嘉維則博厚無疆帝業中興五色鍊補天之石女功內治七襄成報日之章膺珪冊之穠華衍金支之奕葉欣迎蒼曆益介洪禧某等備位外廷稱觴前殿二南風化歌關雎正始之音萬年室家樂既醉太平之運

賀千秋牋

楊文郁

陽常居於大夏方收養毓之功震一索為長男載啓身嘉之會慶鍾甲觀歡溢寰區克哲克明允文允武春坊翊善茂隆邦本之貞曉寢問安長奉天顏之喜茲臨彌月之節宜膺百順之祥臣等竊備詞官進趨庭賀幸聞樂府奉重暉重潤之章請合輿情上俾熾俾昌之壽

賀正旦牋

夾谷之奇

位拱少陽仗簇黃麾之曉氣暄太簇祥開青禁之春邦本益隆輿情胥慶仰遵聖訓參決政機執中傳精一之心作貳毓

元良之望。重明繼照。陰邪常遏於未形。九四在淵。陽德克潛於已著。茲履端之云始。宜介福之孔多。某等素乏長材。叨居端尹。星輝海潤。莫酬沾被之恩。月恒日光。第祝綿延之筭。

賀千秋牋

袁伯常

心依宸極。前星耀於明堂。卯為春門。大電環于甲觀。盛德集福。至和儲祥。體仁法元。師古合道。溫恭事帝。密輔相以生成。問學積躬。益緝熙而光大。疇咨黃髮之彥。庸佐青闈之規。茂對誕辰。宜膺純嘏。某等肅瞻儲禁。忝職詞林。鶴駕陳儀。喜承顏於兩殿。鴻圖衍慶。願介壽於千秋。

幸太學謝 東宮牋

胡儼

伏以

天開值千載享嘉之會。前星象著輔。九重禮樂之儀。儒光華士林。忻怵敬惟。

○○○○ 緝熙聖學。參決政機。侍膳問安。恭待

龍樓之曉。論經講道。宏開。鶴禁之春。當。鑿輿躬幸於壁

雍正 邦本恪勤於翼戴。文風丕振。

睿德益隆。含菜禮親。明時之大典。園橋雲集。藹首善之榮觀。臣儼等忝列儒流。親逢盛事。立諸生於館下。願咸陳雅頌之章。貢多士於

朝端期永樂雍熙之治無任瞻仰激切屏營之至謹奉
牋稱謝以

聞

文翰類選大成卷第一百四十四啓目錄

梁

任彦升三道

唐

韓退之二道 柳子厚二道 杜牧之一道 劉太真一道

元微之一道

宋

王介甫二道 蘇子瞻一道

元

唐擘 一道 閻子靜一道

翰類選大成卷第一百四十四啓目錄

文翰類選大成卷第一百四十四

左長史上海李伯璣編輯

紀善慈谿馮厚校正

啓類

梁

奉答勅示七夕詩啓

任彦升

臣昉啓奉勅并賜示七夕五韻竊惟帝迹多緒俯同不一託情風什希出罕工雖漢在四世魏稱三祖寧足以繼想南風克諧調露性與天道事絕稱言豈其多幸親逢旦暮臣早奉龍潛與賈馮而入室晚屬天飛比嚴徐而待詔惟君知臣見於納言之旨取求不疵表於辯才之戲謹輒率率庸陋式訓天獎拙速雖效出鄙已影臨啓慙慙罔識所宜謹啓

為卞彬謝脩卞忠貞墓啓

臣彬啟。伏見詔書并鄭義泰宣勅。當賜脩理。臣亡高祖晉故
驃騎大將軍。建興忠貞公。壺墳然。臣門緒不昌。天道所昧。忠
構身危。孝積家禍。名教同悲。隱淪惆悵。而年世質遷。孤裔淪
塞。遂使碑表蕪滅。丘樹荒毀。孤兔成穴。童牧哀歌。感慨自哀。
日月纏迫。陛下弘宣教義。非求效於方今。壺餘烈不泯。固陳
力於異世。但加等之渥。近闕於晉典。樵蘇之刑。遠流於皇代。
臣亦何人。敢謝斯幸。不任悲荷之至。謹奉啓以聞。謹啓。

上蕭太傅固辭奪禮啓

昉啟。近啓歸訴。庶諒窮款。奉被還旨。未垂哀察。悼心失圖。泣
血待旦。昉於品庶。示均鎔造。干祿祈榮。更為自拔。虧教廢禮。
豈謂視聽。所不忍言。具陳茲意。昉性從末宦。祿不代耕。飢寒
無甘旨之資。限役廢晨昏之半。膝下之歡。已同過隙。几筵之
慕。幾何可憑。且奠酌不親。如在安寄。晨暮寂寥。闕若無主。所
守既無別理。窮咽豈及多喻。明公功格區宇。感通有塗。若霈
然降臨。賜寢嚴命。是知孝治所被。爰至無心。錫類所及。匪徒
教義。不任崩迫之情。謹以啓事。陳聞。謹啓。

唐

上鄭尚書啓

韓退之

愈啟。伏蒙仁恩。猥賜示問。感戴戰悚。若無所容。措然尚有厥
誠。須盡露於左右者。敢避其煩。黷懷不滿之意。於受恩之地。
哉。愈幸甚。三得為屬吏。朝夕不離門下。出入五年。竊自計較。
受與報。不宜在門下。請從事後。故事有當言。未嘗敢不言。有
不便於已。輒吐私情。閣下所宜憐也。分司郎官職事。惟祠部

為煩且重。愈獨判一年。日與宦者為敵。相伺候。罪過惡言。詈辭。狼籍公牒。不敢為耻。實慮陷禍。故前者懷狀乞與。請即官更判。意雖甚專。事似率爾。言語精神。不能自明。不蒙察久。遽以慙歸。龜兔日日。遂踰累旬。私圖其宜。敢以病告。鳴鳩平均。歌於國風。從事獨賢。推以怨刺。伏惟俯加憐察。幸甚幸甚。愈再拜。

上鄭留守啓

愈啓。愈為相公官屬五年。辱知辱愛。伏念曾無絲毫事為報。荅效。日夜思慮。謀畫以為事大君子。當以道不宜苟且求容悅。故於事未嘗敢疑。惑宜行則行。宜止則止。受容受察。不復進謝。自以為如此。真得事大君子之道。今雖蒙沙汰為縣。固猶在相公治下。未同去離。明為故吏。為形跡無疑。改前所為。以自疎外。於大君子固當不待煩說於左右而後察也。人有告人辱罵其妹與妻。為其長者得不追而問之乎。追而不至。為其長者得不怒而試之乎。坐軍營操兵守禦。為留守出入前後驅從者。此真為軍人矣。坐坊市賣餅。又稱軍人。則誰非軍人也。愚以為此必姦人以錢財賂將吏盜相公文牒。竊注名姓於軍籍中。以陵駕府縣。此固相公所欲去。奉法吏所當嫉。雖捕繫杖之未過也。昨聞相公追捕所告受辱罵者。愚以為大君子為政。當有權變。始似小異。要歸於正耳。軍吏紛紛入見。告屈為其長者。安得不小致為之之意乎。未敢以此仰疑大君子。及見諸從事說則與小人所望信者。少似垂戾。雖然。豈敢生疑於高一。必諸從事與諸將吏未能去朋黨心。蓋覆黥黥。不以真情狀白。露左右小人受私恩良久。安敢閉

蓄以為私恨不一二陳道伏惟相公憐察幸甚幸甚愈無適
時才用漸不喜為吏得一事為名可自罷去不啻如棄涕唾
無一分顧籍心顧失大君子纖芥意如丘山重守官去官惟
今日指揮愈惶懼再拜上

上裴晉公啓

柳子厚

宗元啓伏以周漢二宣中興之業歌於大雅載在史官然而
申甫作輔方召專淮夷之功魏邴謀篡辛趙致罕荒之績文
武所注中外莫同伏惟相公天授皇家聖賢克合謀叶德一
以致太平入有中甫魏邴之勤出兼方召辛趙之事東取淮
右北服恒陽略不代出功無與讓故天下文士皆願秉筆
勤忠慮以贊述洪烈聞揚大勳宗元雖敗辱斥遂守在遠
壯心輕萬里一笑又天涯夜月淮南酒春風薊北九花路長寧
計日身遠自忘家了却東君事歸來梓里誇

春思

王維建

高閣臨馳道春風日晴孤鶯悲鏡影別鶴怨琴聲柳絮雕
墻晚桐陰綺戶清無因憑遠夢一到亞夫營

秋思

清鏡金鸞曉啼痕玉筋分邊心題錦字楚夢別胡
砧杵西風帶鴈群看芳歲晚歸信幾時聞

長門怨

昭陽歌吹入獨自泪雙垂玉貌無如妾君恩復在
繡戶明月墮金闈愁絕無人見流螢點翠帷

秋日述懷

齊東野語卷之四十四

四

潦倒羈遊子傷心兩鬢華途窮惟有淚世亂更無家雨暗聞
寒雁風悲急暮笳艱難今一槩何處問生涯

黃家洲客舍留別

數載俱流落相逢鬢已秋生涯同寂寞書劍祇淹留沙闊隨
天盡江平帶日流別離殊不愜回首思悠悠

田家雜興

烟火中林靜秋風歲律賒清霜催橘袖落日照蒹葭石径通
流水山橋卧古槎武陵元世境不必問桃花

病後述懷

杖藜初雨後試步夕陽時草綠驚春久山深得暖遲病多因
識藥興短倦題詩寂寞無人問平居有所思

泊鏡口

之首尾必成則有師老費財之憂深入則有大寒瘡墮之苦
示戎狄之弱生姦傑之心今者不取恐貽後患敢以管見上
干尊重尚兩漢伐虜皆是秋冬不過百日驅中國之人入苦
寒之地此時匈奴勁弓折膠童馬免乳畜肥草壯力全氣盛
與之相校勝少敗多故匈奴云漢實大國也但其人不能卒
苦爾此所謂避虛而擊實逃短而攻長至於後魏崔浩因見
其理蠕蠕強盛屢犯北邊浩請討之曰蠕蠕恃其地遠自寬
已父故夏則散衆放畜秋乃背寒向暄南來寇抄今出其慮
表掩其不備大兵卒至必驚駭星分向塵奔走壯馬護牧牝
馬恣駒驅馳難制不得水草未過數日則聚而困斃可一舉
而滅矣武帝從之及全軍入境蠕蠕先不設備民畜布野驚
怖四奔莫相救攝於是分軍撲討東西五千里南出二千里

凡所俘虜及獲畜產彌漫山澤高車因殺蠕蠕種類歸降者三十餘萬落虜遂散亂帝公弱水西行至涿邪山諸大將慮深入恐有伏兵勸帝停止不追浩先勸窮追之不從後聞涼州賈胡言若更前行三日則盡滅之矣帝深恨之以其所見今若以幽并突陣之騎酒泉教射之兵整飭誠誓仲夏潛發計陰山與涿邪之遠近十不一二校蠕蠕迴鶻之強弱猶如虎鼠五月節氣在中夏則熱到陰山尚寒中國之兵足以施展行軍於枕席之上翫寇於掌股之中執輜騶等湯沃觀雪一舉無類必然之策今水合防秋冰銷解成行之已久虜為長然出為意外實為上策議者或云北取黠戛令討迴鶻伏以黠戛起於別種超為可汗必是英傑天時必助賢材必用法令必明滅迴鶻之後便是勅敕况示之以弱必為所輕今者四海九州同風共貫諸侯用命羊穀豐孰可以瘞玄王於常山子遺人於河龍顧茲疲虜豈遺子孫伏惟太尉相公文懸素恥武功復著畫地而兵形盡見按璣而邊事無遺唯一指蹤即可掃跡昔漢武帝求賢也有上書不足採者輒報罷去未嘗罪之故能羈越臣胡大興禮樂今太尉與仁聖天子同德有志之士無不願死伏惟特寬狂狷不賜誅責生死榮幸無任感恩

上揚相公啓

劉太真

太真啓前者曲蒙處分今獻所學舊文伏念早年僻居江介泛窺經典莫究宗源天寶中常遇故揚州功曹蘭陵蕭君語及文學許相師授一家貧世亂不克終之其後從投外府所用寡細雖抱宿心無因警發雖欲奔前賢之墻宇揖作者之

風度涉隅角而輒滯。望端倪而自失常。有一言適至理。一章
逸遺悵竊懷耻愧。不覺淹久。以深替命之罪。寧負厚顏之愧。
謹上近所記錄三十餘章。反復內省。慙惶汗流。伏惟相公。素
人文以作相。敷天縱之盛美。發六籍以立言。極三才之奧義。
協贊一德。化成群有。懸衡而制其輕重。操繩而審其曲直。小
人既無學術。又無材用。形神低悴。年髮頽老。又念頃日。曾
引問繫蒙而恒失所對。庸劣而竟無上補。今復以此昧塵明
鑒。相公假為之納其瑕穢。小人不亦自重其嫌斥乎。尚使疆
仕之間。獲趨門館。荷深仁於哲匠。被君子之善誘。雖其頑魯。
或有庶幾之道焉。今過五十。已加其四。學之已困。力又不足。
遇伯樂而反惡於長鳴。視姬姜而自退其陋質。抑小人之會
不敢多言。謹啟。

上令狐相公詩啟

元微之

某啓。其初不好文。徒以注無他岐。強由科試。及有罪譴。棄
後。自以為廢滯。潦倒不復以文字有聞於人矣。曾不知好事
者。挾摘芻蕘。燕塵穢尊。重竊承相公直於廊廟。問道某詩句。昨
又面奉教約。令獻舊文。戰汗悚懼。慙忝無地。某始自御史府
謫官於外。今十餘年矣。間誕無事。遂用力於詩章。日益月滋。
有詩句十餘首。其間感物寓意。可備矇瞶之諷。達者有之。詞
直氣麤。罪戾是懼。固不敢陳露於人。惟盃酒光景。間屢為小
碎篇章。以自吟暢。然以為律體卑下。格力不揚。苟無姿態。則
陷流俗常。欲得思深語近。韻律調新。屬對無差。而風情自遠。
然而病未能也。江湖間多有新進小生。不知天下文有宗主。
妄相倣效。而又從而失之。遂至支離褊淺之詞。皆目為元和。

詩體某又與同門生白居易友善。居易雅能為詩，就中愛驅
駕文字，窮極聲韻，或為千言，或為五百言律詩，以相投寄。小
生自審不能有以過之。往、戲排舊韻，別創新詞，名為次韻。
蓋欲以難相挑耳。江湖間為詩者，或相倣效，或力不足，則至
於顛倒語言，重複首尾，韻同意等，不異於篇，亦自為元和詩
體，而司文者考變雅之由，往、歸咎於某，嘗以為雕蟲小事，
不足自明。聞相公記憶累旬已來，實懼墮墜之墻，庇於大厦，
使不復摧壞，求為板築者之誤，輒敢繕寫古體詩歌一百首，
一百韻，至兩韻律詩又一百首，合為五卷，奉啓跪陳，或希構
厦之餘，一賜觀覽。知小生於章句中，櫟櫟棟棟之材，盡曾量
度，則十餘年之遭迴，不為無所用心耳。詞百瑣劣，冒黷尊嚴，
伏俟刑書，不敢逃讓，死罪死罪。

宋

賀韓魏公啓

王介甫

伏審判府司徒侍中，寵辭上宰，歸榮故鄉。燕兩鎮之節，麾備
三公之典，榮貴極富，溢而無亢。滿之累名，遂身退而有褒。加
之崇，在於觀瞻，孰不慶羨。伏惟某官，受天間氣，為世元龜。誠
節表於當時，德望冠乎近代。典司密命，摠攬中權。毀譽幾至
於萬端，夷險常持於一意。故四海以公之用捨，一時為國之
安危。越執鴻樞，遂躋元輔。以人才未用為大恥，以國本不逮
為深憂。言衆人之所未嘗，任大臣之所不敢。及臻變故，果有
成功。英宗以哀疾荒迷，慈聖以謙冲退託。內揆百官之衆，外
當萬事之微。國無危疑，人以靜一。周勃霍光之於漢，能定策
而終以致疑。姚崇宋璟之於唐，善致理而未嘗遭變。記在舊

史。號為元功。未有獨運廟堂。再安社稷。弼亮三世。救寧四方。岷然在諸公之先。煥乎如今日之懿。若夫進退之當。於義出處之適。其時以彼相方。又為特美。其義於庇賴。實預甄心。職在近仁。欲致盡規之義。世當大有。更懷下比之嫌。用自絕於高閣。非敢忘於舊德。遂聞新命。竊仰遐風。瞻望門闌。不任嚮往之至。

上宋相公啓

比者冒躋官次。榮託使車。躬裁瑣瑣之文。私布惓惓之意。干磨為吝。震疊于懷。會是幹之鼎來。辱騰書而寵荅。優為體貌。略去等夷。繫獎予之大隆。滋回皇之失次。恭審鎮臨。以簡保御。惟和積有休祥。來護興寢。伏况某官。風華靈茂。天韻閑深。早冠肩於士人。亟奮駕於朝野。謹言善策。發為天子之光。巨實美名。布在輿人之誦。惟江都之舊壤。乃天聖之上游地。京師。聊倚諸侯之重。民瞻巖石。方圖師尹之賢。曾足頑踈。然庇賴尚茲。嬰薄未即。趨馳。

賀歐陽少師啓

蘇子瞻

伏審抗章得謝。釋位言還。天眷雖隆。莫奪已行之志。士流太息。共高難繼之風。凡在庇麻。共增慶慰。伏以懷安天下之公。患去就君子之所難。世靡不知人。更相笑而道不勝欲。私於為身。君臣之恩。係縻之於前。妻子之計。推輓之於後。至於山林之士。猶有降志於垂老。而况廟堂之舊。欲使辭福於當年。有其言而無其心。有其心而無其決。愚智共蔽。言今一塗。是以用舍行藏。仲尼獨許於顏子。存亡進退。周易不及於賢人。自非智足以周知。仁足以自愛。道足以忘物。之得喪。志足以

一氣之盛衰則孰能見幾禍福之先脫屣塵埃之外常恐慈
世不見其人伏惟致政觀文少師全德難名巨材不器事業
二朝之望文章百世之師功存社稷而人不知躬履艱難而
節乃見縱使耄期篤老猶當就見質疑而乃力辭於未及之
年退託以不能而止大勇若怯大智如愚至貴無軒冕而榮
至仁不導引而壽較其所得孰與昔多軾受知最深聞道有
自雖外為天下惜老成之去而私喜明哲得保身之全伏暑
向闌台候何似伏冀為時自重少慰輿情。

元

謝巖東平賜馬啓

康暉

微勞亡有敢及三命之榮小已奚堪踰冒千金之賞所賜厚
矣何愧如之伏念樛材素無良器非致遠徒勉厲驚之志莫
成率騏之功無取叨哉確然大耳詩書廢棄難追韓愈之飛
黃鄉里歸來亦乏少游之款段敢忘代勞之駿足孰憐負俗
之陳人真然來思念不到此茲蓋伏遇相公秉鞭作牧如馭
臨民名高齊駟之無稱德大魯駟之有頌小者大者繫之維
之雖病顛之駒謂何飾矣至泛駕之馬亦在馭焉不圖衰朽
之蹤曲被閑馳之惠自矜光寵獲免徒行敢曰據鞍效馬伏
波之矍鑠恐其鞞韉有杜工部之損傷感佩良深深濡奚罄

謝解啓

閻子靜

芹宮角藝初無黃綃之辭藻鑑垂光誤中青錢之選名非情
稱感與愧并切惟辭賦之淵源是乃古詩之糟粕荀氏子發
明其大槩宋大夫鼓舞乎後塵英華秀發則洛陽少年文彩
風流則臨卭詞客自茲以往作者寔多摘章繪句者往有

之操紙染翰者。滔之皆是。若於絳擅聲金之美。子雲翰吐鳳
之奇。二班父子。卓冠一時。陸家弟兄。獨步當世。莫不振金石
鏗鏘之調。窮霧縠組麗之文。大而仁義諷諭之至言。細而鳥
獸草木之多識。禁踰侈。則有東京西京之作。辨時事。則有吳
都蜀都之編。或上林以諷其畋遊。或甘泉以述其郊祀。升堂
入室。然未窺孔氏之門墻。宣德通情。亦庶幾風人之旨。趣何
此源流之降。演爲科舉之文。一變唐宋尚餘作者之典刑。百
變遼金無復舊家之風骨。拘之以聲律之調。暢檢之以對偶
之重輕。以窘邊幅爲謹嚴。以粘皮骨爲親切。猶題畫影。但知
一字之工夫。抹東塗西。不覺六經之破碎。習恭成。是以變爲
常。事馳驟者。輒謂之荒唐。務雄贍者。例云乎唱叫。雖子建曾
中之八斗。不得騁其才。雖少陵筆陣之千軍。無以施其勇。然
有司之獲選。亦壯夫所不爲。何承平歷世而來。莫之敢指。蓋
僥倖一第之外。孰知其他。必待權衡至公之流。庶展琴瑟更
張之手。伏惟提學郎中先生。儒林冠冕。學海宗盟。閱斯文重
厄於秦灰。贊東國。復修乎泮水。甄陶後進。最於春秋二季
之間。鑑視前車。洗滌平場。屋百年之弊。俾削拘攣之能。庶還
麗則之風格。雖守而必文辭之可觀。辭雖尚而亦義理之爲
主。加程文律度於古今。骨髓之內。取古今氣。豔於程文。規矩
之中。自非卓爾不羣之才。曷起褻然舉首之選。如復者。青衿
小子。白面書生。學淺鮮而不根。氣葳蕤而易涸。文慚七步。才
愧八叉。僅知弄筆以作文。未免尋章而摘句。五音中度。敢論
擲地之宮商。八表神遊。安有凌雲之氣象。辨作戰蝸之兩角。
尚慚窺豹之一班。鼯鼠之窮。顧將奈何。黔驢之技。蓋止此耳。

豈意不以菲葑之下體。遽令襍糝以先揚。敢不益礪操修。重
鞭鄙鈍。進而不已。雄以當前。庶取百中之功。不負千金之顧。
銘心鶚路。謝九秋桂子之風。刮琅龍門。看三月桃花之浪。

文翰類選大成卷百四十四

